

四分律藏

卷二十七

三百四十三
夫七

50082



元祿九年丙子二月日重脩

皇圖翠岡 帝階綴昌

佛日增輝 懋輪常轉

山城州天安寺法金剛院置



四分律藏卷第二十七

姚秦三藏佛陀耶舍共竺佛念譯

第二分一百七十八單提法之四

尔時婆伽婆在舍衛國祇樹給孤獨園尔時
偷羅難陀比丘尼有親舊檀越欲為僧設食
并施衣偷羅難陀聞即往問言我聞汝欲設

食并施僧衣審尔以不檀越報言尔偷羅難
陀言眾僧大功德大威神多檀越布施汝供
給處多今但可施食不須施衣檀越即言可
尔不復作衣即其夜辦具飲食明日清旦往
白時到諸比丘尼著衣持鉢往詣其家就座
而坐時檀越觀諸比丘尼僧威儀序遠

齊整見已自悔不覺發言如是好衆不可使
我留難不作衣供養耶時諸比丘尼即問言
以何因緣乃發是言時檀越即具白因緣比
丘尼聞其中有少欲知足行頭陀樂學戒知
慙愧者嫌責偷羅難陀言云何與衆僧衣作
留難時諸比丘尼白諸比丘諸比丘往白佛
佛以此因緣集比丘僧呵責偷羅難陀汝所
爲非非威儀非沙門法非淨行非隨順行所
不應爲云何與僧衣作留難以無數方便呵
責已告諸比丘此偷羅難陀比丘尼多種有
漏處最初犯戒自今已去與比丘尼結戒集
十句義乃至正法久住欲說戒者當如

若比丘尼與衆僧衣作留難者波逸提
尼義如上衆者如上衣者十種如上彼比丘
尼與衆僧衣作留難者波逸提除衆僧與餘
人作留難者突吉羅除衣餘物作留難突吉
羅比丘突吉羅式叉摩那沙彌沙彌尼突吉
羅是謂爲犯不犯者欲施少者勸使多與欲

施少人勸與多人欲施鹿勸施細者或戲笑
語或屏處語或疾疾語或夢中語或欲說此
錯說彼無犯無犯者最初未制戒癡狂心亂
痛惱所纏一百五竟

尔時婆伽婆在舍衛國祇樹給孤獨園時有
比丘尼著他僧伽梨不語主入村乞食時衣

主不知作失衣意於後求覓乃見彼比丘尼
著行即語汝犯偷彼言我不偷汝衣以親厚
意故取汝衣著耳時諸比丘尼聞其中有少
欲知足行頭陀樂學戒知慙愧者呵責此比
丘尼言汝云何不語主盜著他衣使他作失
衣意求覓耶即往白諸比丘諸比丘白佛佛
以此因緣集比丘僧呵責此比丘尼言汝所
為非非威儀非沙門法非淨行非隨順行所
不應為云何比丘尼不語主盜著他衣使衣
主作失衣意求覓耶時世尊以無數方便呵
責已告諸比丘此比丘尼多種有漏處最初
犯戒自今已去與比丘尼結戒集十句義乃

至正法久住欲說戒者當如是說若比丘尼
不問主便著他衣者波逸提比丘尼義如上
彼比丘尼取他衣著不語主入村乞食者波
逸提比丘突吉羅式义摩那沙弥沙弥尼突
吉羅是謂為犯不犯者若問主若是親厚若
親厚語言汝但著去我當為汝語主不犯不
犯者最初未制戒癡狂心亂痛惱所纏二百六
尔時婆伽婆在舍衛國祇樹給孤獨園時跋
難陀釋子有二沙弥一名耳二名蜜一人休
道一人著袈裟入外道眾中時六羣比丘尼
以沙門衣施與休道者及與彼入外道者尔
時諸比丘尼聞其中有少欲知足所願陀樂

學戒知慙愧者呵責六羣比丘尼。汝去。何持
沙門衣施與休道者及與彼入外道者。諸比
丘尼往白。諸比丘。諸比丘。往白。佛。佛。以此因
緣。集比丘僧。呵責六羣比丘尼。言。汝所爲非
非威儀。非沙門法。非淨行。非隨順行。所不應
爲。云。何。汝等以沙門衣與彼休道及入外道
者。尔時世尊以無數方便呵責六羣比丘尼。
已告諸比丘。此諸比丘尼。多種有漏處。最初
犯戒。自今已去。與比丘尼結戒。集十句義。乃
至正法久住。欲說戒者。當如是說。若比丘尼
持沙門衣施與外道白衣者。波逸提。比丘尼
義如上。白衣者在家人。外道者在佛法外。出

家人沙門衣者染色衣彼比丘尼以沙門衣
施與彼受者波逸提此與彼不受突吉羅方
便欲與而不與期要當與而不與一切突吉
羅比丘突吉羅式又摩那沙彌沙彌尼突吉
羅是謂爲犯不犯者若與父母若與塔作人
與講堂屋舍作人計校食直與或爲強力者
所奪無犯無犯者最初未制戒癡狂心亂痛
惱所纏一百七竟

爾時婆伽婆在舍衛國祇樹給孤獨園時比
丘尼衆得如法施衣欲分時偷羅難陀多諸
弟子分散行不在時偷羅難陀作是意遮衆
僧如法分衣恐弟子不得諸比丘尼知如是

意諸比丘尼聞其中有少欲知足行頭陀樂
學戒知慙愧者嫌責偷羅難陀云何作是意
遮衆僧如法分衣恐弟子不得時諸比丘尼
往白諸比丘諸比丘往白世尊世尊以此因
緣集比丘僧呵責偷羅難陀汝所爲非非威
儀非沙門法非淨行非隨順行所不應爲去
何作是意遮衆僧如法分衣恐弟子不得時
世尊以無數方便呵責偷羅難陀已告諸比
丘此比丘尼多種有漏處最初犯戒自今已
去與比丘尼結戒集十句義乃至正法久住
欲說戒者當如是說若比丘尼作如是意衆
僧如法分衣遮令不分恐弟子不得者彼逸

提比丘尼義如上衆僧者如上法者如法如律
如佛所教衣者有十種如上彼比丘尼作如
是意衆僧如法分衣遮令不分恐弟子不得
波逸提比丘突吉羅式义摩那沙弥沙弥尼
突吉羅是謂爲犯不犯者或非時分非法別
衆非法和合衆法別衆似法別衆似法和合
衆非法非律非佛所教若欲分時恐失若壞
遮令不分無犯無犯者最初未制戒癡狂心
亂痛惱所纏一百八竟

尔時婆伽婆在舍衛國祇樹給孤獨園時諸
比丘尼衆僧如法出迦絺那衣六羣比丘尼
作是念令衆僧今不出迦絺那衣後當出欲

令五事久得放捨時諸比丘尼知六羣比丘
尼作如是意令衆僧今不出迦絺那衣欲令
五事久得放捨時諸比丘尼聞其中有少欲
知足行頭陀樂學戒知慙愧者呵責六羣比
丘尼言汝去何作是意令衆僧今不出迦絺
那衣欲令五事久得放捨耶諸比丘尼白諸
比丘諸比丘往白世尊世尊以此因緣集諸
比丘僧呵責六羣比丘尼言汝所爲非非威
儀非沙門法非淨行非隨順行所不應爲去
何作如是意令衆僧今不出迦絺那衣欲令
五事久得放捨以無數方便呵責已告諸比
丘此六羣比丘尼多種有漏處最初犯戒自

今已去與比丘尼結戒集十句義乃至正法
久住欲說戒者當如是說若比丘尼作如是
意令衆僧今不得出迦絺那衣後當出欲令
五事久得放捨波逸提比丘尼義如上僧者
如上法者如法如律如佛所教彼比丘尼作
如是意停衆僧如法出迦絺那衣欲令五事
久得放捨者波逸提比丘突吉羅式义摩那
沙弥沙弥尼突吉羅是謂爲犯不犯者若非
時出非法別衆非法和合衆法別衆似法別
衆似法和合衆非法非律非佛所教若出時
恐失壞遮令不出無犯無犯者最初未制戒
癡狂心亂痛惱所纏

尔時婆伽婆在舍衛國祇樹給孤獨園時諸
比丘尼僧欲出迦絺那衣時六羣比丘尼作
是意今比丘尼僧如法出迦絺那衣遮使不
出欲令久得五事放捨諸比丘尼知六羣比
丘尼作如是意遮比丘尼僧如法出迦絺那
衣欲令五事久得放捨諸比丘尼聞其中有
少欲知足行頭陀樂學戒知慙愧者嫌責六
羣比丘尼言去何作是意遮比丘尼僧如法
出迦絺那衣欲令五事久得放捨往白諸比
丘諸比丘往白佛佛以此因緣集比丘僧呵
責六羣比丘尼言汝所為非非威儀非沙門
法非淨行非隨順行所不應為比丘尼衆欲

如法出迦絺那衣云何遮令不出欲令久得
五事放捨耶以無數方便呵責已告諸比丘
此比丘尼多種有漏處最初犯戒自今已去
與比丘尼結戒集十句義乃至正法久住欲
說戒者當如是說若比丘尼作如是意遮比
丘尼僧不出迦絺那衣欲令久得五事放捨
波逸提比丘尼義如上僧者如上法者如法
如律如佛所教彼比丘尼作是意遮比丘尼
僧如法出迦絺那衣欲令久得五事放捨說
而了了者波逸提不了了者突吉羅比丘突
吉羅式叉摩那沙彌沙彌尼突吉羅是謂為
犯不犯者出迦絺那衣非時非法別眾非法

和合衆法別衆似法別衆似法和合衆非法
非律非佛所教若出恐失壞如是遮者無犯
無犯者最初未制戒癡狂心亂痛惱所纏二百
余時佛在舍衛國祇樹給孤獨園時有比丘
尼共諍鬪至偷羅難陀比丘尼所語言與我
止此鬪諍偷羅難陀比丘尼聰明智慧諍事
起能滅竟不為方便滅此諍事時彼比丘尼
以鬪諍事不得和合愁憂遂便休道時比丘
尼衆聞其中有少欲知足行頭陀樂學戒知
慙愧者嫌責偷羅難陀言云何比丘尼語言
為我滅諍事而竟不為方便滅此諍事令彼
比丘尼以此諍事不和解遂便休道耶即往

白諸比丘諸比丘往白世尊世尊以此因緣
集比丘僧呵責偷羅難陀汝所爲非非威儀
非沙門法非淨行非隨順行所不應爲云何
竟不與彼和解鬪諍事使彼休道耶時世尊
以無數方便呵責已告諸比丘此偷羅難陀
比丘尼多種有漏處最初犯戒自今已去與
比丘尼結戒集十句義乃至正法久任欲說
戒者當如是說若比丘尼餘比丘尼語言爲
我滅此諍事而不與作方便令滅者波逸提
比丘尼義如上鬪諍有四種如上彼比丘尼
語餘比丘尼言爲我滅此諍事而不與方便
滅此諍事波逸提除鬪諍已若更有餘小小

諍事不方便滅突吉羅若身聞諍事不方便
滅突吉羅除比丘比丘尼餘人有聞諍不方
便滅突吉羅比丘突吉羅式叉摩那沙彌沙
彌尼突吉羅是謂為犯不犯者若為滅若與
作方便若病若言不行若彼破戒破見破威
儀若被舉若滅擯若應滅擯若以此事有命
難梵行難不方便滅者無犯無犯者最初未
制戒癡狂心亂痛惱所纏十一百
今時婆伽婆在舍衛國祇樹給孤獨園時跋
難陀釋子有二沙彌一名耳二名蜜一人罷
道一人著袈裟入外道衆時六群比丘尼持
食與白衣入外道者時諸比丘尼聞其中有

少欲知足行頭陀樂學戒知慙愧者呵責六
羣比丘尼言汝云何持食與白衣入外道者
時諸比丘尼白諸比丘往白世尊世
尊以此因緣集比丘僧呵責六羣比丘尼言
汝所爲非非威儀非沙門法非淨行非隨順
行所不應爲云何汝等持食與白衣入外道
者以無數方便呵責已告諸比丘此比丘尼
多種有漏處最初犯戒自今已去與比丘尼
結戒集十句義乃至正法久住欲說戒者當
如是說若比丘尼持食與白衣入外道者可
取食者波逸提如是世尊與比丘尼結戒彼
疑不敢置地與不敢使人與佛言聽使人與

若置地與自今已去當如是說戒若比丘尼
自手持食與白衣入外道食者波逸提比丘
尼義如上白衣者未出家人外道者在佛法
外出家者是可食噉者如上彼比丘尼自手
持食與白衣入外道此與彼受者波逸提不
受者突吉羅方便欲與而不與若期當與悔
不與一切突吉羅比丘波逸提式又摩那沙
彌沙彌尼突吉羅是謂為犯不犯者或置地
與或使人與若與父母若與塔作人若為強
力者所奪無犯無犯者最初未制戒癡狂心

亂痛惱所纏

一百一十二

余時世尊在舍衛國祇樹給孤獨園時六羣

比丘尼營理家事舂磨或炊飯或炒麥或煮食或敷牀座卧具或掃地或取水或受人使令諸居士見已皆共嗤笑言如我婦營理家業舂磨炊飯乃至受人使令此六羣比丘尼亦復如是時諸居士皆生慢心不復恭敬爾時諸比丘尼聞其中有少欲知足行頭陀樂學戒知慙愧者嫌責六羣比丘尼言云何營理家業舂磨乃至受人使令如俗人無異耶往白諸比丘諸比丘白佛佛以此因緣集比丘僧呵責六羣比丘尼言汝所爲非非威儀非沙門法非淨行非隨順行所不應爲云何營理家業舂磨乃至受使如俗人無異以無

數方便呵責已告諸比丘此比丘尼多種有
漏處最初犯戒自今已去與比丘尼結戒集
十句義乃至正法久住欲說戒者當如是說
若比丘尼爲白衣作使者波逸提比丘尼義
如上爲白衣作使者即如上舂磨乃至受使
者是彼比丘尼營理家業舂磨乃至受人使
令者一切波逸提比丘隨所犯式又摩那沙
彌沙彌尼突吉羅是謂爲犯不犯者若父母
病若被繫閉爲敷牀卧具掃地取水供給所
須受使若有信心優婆塞病若被繫閉爲敷
牀卧具掃地取水受使若爲強力者所執如
是一切無犯無犯者最初未制戒癡狂心亂

痛惱所纏

十一百

尔時婆伽婆在舍衛國祇樹給孤獨園時六
羣比丘尼手自紡績諸居士見已皆共嗤笑
言如我婦紡績此比丘尼亦如是諸居士即
生慢心無有恭敬心時諸比丘尼聞其中有
少欲知足行頭陀樂學戒知慙愧者嫌責六
羣比丘尼汝去何手自紡績也往白諸比丘
諸比丘白佛佛以此因緣集比丘僧呵責六
羣比丘尼言汝所爲非非威儀非沙門法非
淨行非隨順行所不應爲去何自手紡績與
俗人無異耶以無數方便呵責已告諸比丘
此比丘尼多種有漏處最初犯戒自今已去

與比丘尼結戒集十句義乃至正法久住欲
說戒者當如是說若比丘尼自手紡縷者波
逸提比丘尼義如上縷者有十種如上若比
丘尼手自紡縷一引一波逸提比丘突吉羅
式叉摩那沙弥沙弥尼突吉羅是謂為犯不
犯者若自索線合接線或強力所執者無犯
無犯者最初未制戒癡狂心亂痛惱所纏十一百四
尔時婆伽婆在舍衛國祇樹給孤獨園時偷
羅難陀比丘尼到時著衣持鉢詣一居士家
敷座而坐時彼居士婦脫身瓔珞衣服入後
園洗浴時偷羅難陀比丘尼輒著他瓔珞衣
服在居士牀上卧時彼居士先出行不在後

行還至家內卒見偷羅難陀意謂是己婦即
便就卧手捉捫摸嗚口彼捫摸時覺其頭禿
方問言汝是何人報言我是偷羅難陀比丘
尼居士語言汝何故著我婦瓔珞衣服在我
牀上卧令我見已謂是我婦汝可速去自今
已去莫復更來入我家時諸比丘尼聞其中
有少欲知足行頭陀樂學戒知慙愧者嫌責
偷羅難陀言汝云何著他婦瓔珞衣服在牀
上卧即往白諸比丘諸比丘往白世尊世尊
以此因緣集比丘僧呵責偷羅難陀言汝所
爲非非威儀非沙門法非淨行非隨順行所
不應爲云何入居士家著他婦瓔珞衣服在

牀上卧使居士嫌恠耶以無數方便呵責已
告諸比丘此比丘尼多種有漏處最初犯戒
自今已去與比丘尼結戒集十句義乃至正
法久住欲說戒者當如是說若比丘尼入白
衣舍内在小牀大牀上若坐若卧波逸提比
丘尼義如上白衣舍者村小牀者坐牀大牀
者卧牀彼比丘尼入白衣舍内在小牀大牀
上若坐若卧隨脇著床一轉一一波逸提比
丘突吉羅式又摩那沙弥沙弥尼突吉羅是
謂爲犯不犯者或時有如是病若坐獨坐牀
若爲比丘尼僧數衆多座若病倒地若爲強
力者所執若被繫閑若命難梵行難無犯無

犯者最初未制戒癡狂心亂痛惱所纏十一百
尔時婆伽婆在舍衛國祇樹給孤獨園時有
衆多比丘尼向拘薩羅國在道行至一無住
處村語其舍主於舍內敷卧具而宿至明日
清旦不辭主人而去後村舍失火燒舍時被
燒居士謂舍內有人便不往救火火燒舍盡
即問比丘尼在何處荅言已去諸居士皆共
譏嫌言此比丘尼等不知慙愧外自稱言我
修正法如是有何正法云何語主人在舍內
止宿明日不辭主人而去我等謂舍內有人
而不救火使燒舍盡時諸比丘尼聞其中有
少欲知足行頭陀樂學戒知慙愧者嫌責諸

比丘尼言汝云何語主人在他舍內宿去時
不語其主人令火燒他舍盡即往白諸比丘
諸比丘往白佛佛以此因緣集比丘僧更呵
責諸比丘尼言汝云何語主人在他舍內宿
去時不語主使火燒他舍盡以無數方便呵
責已告諸比丘此比丘尼多種有漏處最初
犯戒自今已去與比丘尼結戒集十句義乃
至正法久住欲說戒者當如是說若比丘尼
至白衣舍語主人敷座止宿明日不辭主人
而去波逸提比丘尼義如上白衣舍者村宿
者在中止宿處是敷座者或草敷或葉敷下
至自敷卧氈彼比丘尼至白衣舍內語主人

敷座止宿。明日不辭而去。出門波逸提一脚。在內一脚在外。方便欲去而不去。若共期去而不去。一切突吉羅。比丘突吉羅。式叉摩那。沙彌沙彌尼。突吉羅。是謂為犯。不犯者。辭主人而去。若先有人在舍內住。若舍先空。若先為福舍。若是親厚親厚者。語言汝但去。當為汝語。主人若舍崩壞。若為火燒。若中有毒蛇。惡獸。若有賊入。或為強力者所執。若被繫閉。或命難。梵行難。不犯者。最初未制戒。癡

狂心亂痛惱所纏

一百一十六

小時。婆伽婆在舍衛國祇樹給孤獨園。時有六羣比丘。尼誦種種雜呪術。或支節呪。或刹

利呪鬼呪吉凶呪或習轉鹿輪十或習解知
音聲時諸比丘尼聞其中有少欲知足行頭
陀樂學戒知慙愧者呵責六羣比丘尼言汝
云何習誦如是種種支節呪乃至解諸音聲
呵責已往白諸比丘諸比丘往白佛佛以此
因緣集比丘僧呵責六羣比丘尼汝所為非
非威儀非沙門法非淨行非隨順行所不應
為云何誦習種種呪術乃至解知音聲耶呵
責已告諸比丘此比丘尼多種有漏處最初
犯戒自今已去與比丘尼結戒集十句義乃
至正法久住欲說戒者當如是說若比丘尼
誦習世俗呪術者波逸提比丘尼義如上世

俗呪術者支節乃至解知音聲也彼比丘尼
誦習世俗呪術乃至音聲若口受若執文誦
說而了了波逸提不了了突吉羅比丘突吉
羅式又摩那沙弥沙弥尼突吉羅是謂為犯
不犯者若誦治腹內垂病呪若誦治宿食不
消呪若學書若誦世俗降伏外道呪若誦治
毒呪以護身故無犯無犯者最初未制戒癡
狂心亂痛惱所纏一百一十七
若比丘尼教人誦習呪術者波逸提一百一十八
尔時佛在舍衛國祇樹給孤獨園時有一比
丘尼名婆羅度他妊身女人受具足戒已後
便生一男兒自抱入村乞食時諸居士見已

皆譏嫌言此比丘尼不知慚愧犯不淨行外
自稱言我修正法。如是何有正法。看此出家
人。新生兒時。諸比丘尼聞其中。有少欲知足
行頭陀樂學戒。知慙愧者。呵責婆羅比丘尼
言。汝云何度他妊身女人。往白諸比丘。諸比
丘白佛。佛以此因緣。集比丘僧。呵責婆羅比
丘尼。言汝所爲非。非威儀。非沙門法。非淨行
非隨順行。所不應爲。云何度他妊身女人。以
無數方便。呵責已。告諸比丘。此比丘尼多種
有漏處。最初犯戒。自今已去。與比丘尼結戒
集十句義。乃至正法久住。欲說戒者。當如是
說。若比丘尼度他妊身女人。授具足戒者。彼

逸提如是世尊與比丘尼結戒時諸比丘尼不知妊身不妊身後乃知妊身其中或作波逸提懺或疑不知者無犯自今已去當如是說戒若比丘尼知女人妊身度與授具足戒者波逸提比丘尼義如上彼比丘尼若知女人妊身度與授具足戒作三羯磨竟和上尼波逸提白二羯磨竟三突吉羅白一羯磨竟二突吉羅白已一突吉羅白未竟突吉羅未白前與剃頭著衣與授具足戒若集眾眾滿一切突吉羅比丘突吉羅是謂為犯不犯者若不知若信彼人言若信可信人語或信父母語與授具足戒後生兒不犯若生已疑不敢

捉抱佛言若未能離母自活聽一切如母法
乳哺長養後有疑不敢與此男兒同室宿佛
言若未能離母宿聽共一處宿無犯無犯者
最初未制戒癡狂心亂痛惱所纏一百九
尔時佛在舍衛國祇樹給孤獨園時有比丘
尼度他乳兒婦女留兒在家後家中送兒還
之此比丘尼抱兒入村乞食時諸居士見已
皆共譏嫌言此比丘尼不知慙愧犯不淨行
外自稱言我修正法如何有正法看此出
家人生兒抱行乞食時諸比丘尼聞其中有
少欲知足行頭陀樂學戒知慙愧者呵責彼
比丘尼言汝云何乃度他乳兒婦女令諸居

士譏嫌往白諸比丘諸比丘白佛佛以此因緣集比丘僧呵責彼比丘尼言汝所爲非非威儀非沙門法非淨行非隨順行所不應爲云何度他乳兒婦女以無數方便呵責已告諸比丘此比丘尼多種有漏處最初犯戒自今已去與比丘尼結戒集十句義乃至正法久住欲說戒者當如是說若比丘尼度他乳兒婦女授具足戒波逸提如是世尊與比丘尼結戒時諸比丘尼不知產乳不產乳後乃知產乳不知者無犯自今已去當如是說戒若比丘尼知婦女乳兒與授具足戒波逸提比丘尼義如上彼比丘尼知他婦女有乳兒

度授具足戒作三羯磨竟和上尼波逸提白
二羯磨三突吉羅白一羯磨二突吉羅白竟
一突吉羅白未竟突吉羅未白前與剃髮與
出家與著衣與授戒若集衆衆滿一切突吉
羅比丘突吉羅是謂爲犯不犯者若不知信
彼人言信可信人言或信父母語而度與授
具足戒已後送兒來不犯其母疑不敢抱養
佛言若未能自活聽如母法乳養至斷乳止
後母與此兒同處宿有疑佛言自今已去聽
未斷乳者無犯無犯者最初未制戒癡狂心
亂痛惱所纏十一百二
尔時佛在舍衛國祇樹給孤獨園時諸比丘

尼聞佛制戒得度人輒度小年童女不知有
欲心無欲心後便與染汙心男子共立共語
調戲時諸比丘尼聞其中有少欲知足行頭
陀樂學戒知慙愧者嫌責諸比丘尼言世尊
制戒聽度人汝等云何乃度小年童女與染
汙心人共立共語調戲耶即白諸比丘諸比
丘往白佛佛以此因緣集比丘僧呵責諸比
丘尼言汝所爲非非威儀非沙門法非淨行
非隨順行所不應爲云何乃度小年童女不
知有染汙心無染汙心後與染汙心人共立
共語調戲耶以無數方便呵責比丘尼已告
諸比丘尼言汝等諦聽若欲在寺內剃髮者

當語一切尼僧令知若作白已然後與剃髮
當作如是白大姊僧聽此某甲欲從某甲求
剃髮若僧時到僧忍聽為某甲剃髮白如是
作如是白已然後與剃髮若欲在寺內與出
家者當語一切尼僧若作白已與出家當作
如是白大姊僧聽此某甲從某甲求出家若
僧時到僧忍聽與某甲出家白如是作如是
白已然後與出家當作如是出家與剃髮著
袈裟因教右膝著地合掌作如是語我某甲
歸依佛歸依法歸依僧我於如來法中求出
家和上尼某甲如來至真等正覺是我世尊
如是第二第三說我某甲歸依佛竟歸依法

竟歸依僧竟我於如來法中求出家和上尼
某甲如來至真等正覺是我世尊如是第二
第三說已次應與受戒盡形壽不殺生是沙
彌尼戒汝能持不能持者答言能盡形壽不
盜是沙彌尼戒汝能持不能持者答言能盡
形壽不淫是沙彌尼戒汝能持不能持者答
言能盡形壽不妄語是沙彌尼戒汝能持不
能者答言能盡形壽不得飲酒是沙彌尼戒
汝能持不能者答言能盡形壽不著花香瓔
珞是沙彌尼戒汝能持不能者答言能盡形
壽不歌舞伎樂不得往看是沙彌尼戒汝能
持不能者答言能盡形壽不高廣大牀上坐

是沙弥尼戒汝能持不能者答言能盡形壽
不非時食是沙弥尼戒汝能持不能者答言
能盡形壽不得捉金銀錢是沙弥尼戒汝能
持不能者答言能是為沙弥尼十戒盡形壽
能持不能者答言能自今已去聽年十八童
女二歲學戒年滿二十得授具足戒白四羯
磨當如是說戒沙弥尼當詣僧中偏露右肩
脫革屣禮比丘尼僧足右膝著地合掌當作
是語大姊僧聽我某甲沙弥尼今從僧乞二
歲學戒某甲尼為和上願僧與我二歲學戒
慈愍故第二第三如是說已沙弥尼應往離
聞處著見處已比丘尼衆中當羞堪能羯磨

者如上應作白大姉僧聽彼某甲沙弥尼今
從僧乞二歲學戒和上尼某甲若僧時到僧
忍聽與某甲沙弥尼二歲學戒和上尼某甲
白如是大姉僧聽彼某甲沙弥尼從僧乞二
歲學戒和上尼某甲今僧與某甲沙弥尼二
歲學戒和上尼某甲誰諸大姉忍僧與彼某
甲沙弥尼二歲學戒和尚尼某甲者嘿然不
忍者說是初羯磨如是第二第三說衆僧已
忍與某甲沙弥尼二歲學戒和上尼某甲竟
僧忍嘿然故是事如是持依式叉摩那一切
戒應學除自手取食授食與他彼二歲學戒
已年滿二十當與授具足戒白四羯磨自今

已去與比丘尼結戒集十句義乃至正法久
住欲說戒者當如是說若比丘尼年滿十八
童女二歲學戒已滿二十與授具足戒若比
丘尼年減二十授具足戒者波逸提如是世
尊與比丘尼結戒時諸比丘尼不知滿二十
不滿二十後方知不滿二十或作波逸提懺
或有疑者不知者不犯自今已去當如是結
戒若比丘尼知年不滿二十與授具足戒波
逸提比丘尼義如上彼比丘尼知不滿二十
授具足戒三羯磨竟和尚尼波逸提白二羯
磨竟三突吉羅白一羯磨竟二突吉羅白已
一突吉羅白未竟一突吉羅若未白前集衆

衆滿一切突吉羅比丘突吉羅是謂為犯不
犯者年滿十八二歲學戒滿二十授具足戒
若不知若自言滿二十若信可信人語若信
父母語若受戒後疑當數胎中月當數閏月
數十四日說戒日無犯無犯者最初未制戒
癡狂心亂痛惱所纏一百二十一竟

亦時婆伽婆在舍衛國祇樹給孤獨園時諸
比丘尼聞世尊制戒年十八二歲學戒滿二
十授具足戒彼非是十八不二歲學戒年滿
二十與授具足戒闕二歲學戒彼授具足戒
已不知當學何戒時諸比丘尼聞其中有少
欲知足行頭陀樂學戒知慙愧者呵責諸味

丘尼言世尊制戒年十八二歲學戒滿二十
與授具足戒汝云何非是年十八不二歲學
戒年二十便與授具足戒闕二歲學戒而不
知當學何戒耶時諸比丘尼往白諸比丘諸
比丘往白世尊世尊亦時以此因緣集比丘
僧呵責諸比丘尼言汝所為非非威儀非沙
門法非淨行非隨順行所不應為世尊制戒
年十八與不二歲學戒滿二十授具足戒汝
云何非是年十八不二歲學戒滿二十授具
足戒闕二歲學戒授具足戒已不知當學何
戒耶亦時世尊以無數方便呵責諸比丘尼
已告諸比丘此比丘尼多種有漏處最初犯

戒自今已去與比丘尼結戒集十句義乃至
正法久住欲說戒者當如是說若比丘尼年
十八童女不與二歲學戒年滿二十便與授
具足戒者波逸提比丘尼義如上彼比丘尼
若年十八童女不二歲學戒便與授具足戒
唱三羯磨竟尼和上波逸提白二羯磨竟二突
吉羅白一羯磨二突吉羅白已一突吉羅白
未竟突吉羅未白前集衆及衆滿者一切突
吉羅比丘突吉羅是謂爲犯不犯者年十八
童女二歲學戒滿二十與授具足戒無犯無
犯者最初未制戒癡狂心亂痛惱所纏一百二
十二竟
尔時婆伽婆在舍衛國祇樹給孤獨園時諸

比丘尼聞世尊制戒年十八童女與二歲學
戒與六法滿二十與授具足戒彼不與六法
便與授具足戒彼學戒時作不淨行盜取五
錢斷人命自稱得上人法過中食飲酒時諸
比丘尼聞其中有少欲知足行頭陀樂學戒
知慙愧者嫌責諸比丘尼言世尊制戒年十
八童女與二歲學戒與六法滿二十與授具
足戒汝去何不教六法事授具足戒犯梵行
盜五錢乃至飲酒即白諸比丘諸比丘往白
世尊世尊尔時以此因緣集比丘僧呵責彼
比丘尼言汝所為非非威儀非沙門法非淨
行非隨順行所不應為汝等比丘尼應年十

八童女與二歲學戒與六法滿二十與授具
足戒而去何不與六法令犯姪乃至飲酒耶
以無數方便呵責已告諸比丘此比丘尼多
種有漏處最初犯戒自今已去與比丘尼結
戒集十句義乃至正法久住欲說戒者當如
是說若比丘尼年十八童女與二歲學戒不
與六法滿二十便與授具足戒波逸提比丘
尼義如上若式叉摩那犯姪應滅擯若有染
汙心與染汙心男子身相觸缺戒應更與戒
若偷五錢過五錢應滅擯若滅五錢缺戒應
更與戒若斷人命應滅擯若斷畜生命缺戒
應更與戒若自言得上人法者應滅擯若在

衆中故妄語者缺戒應更與戒若非時食缺
戒應更與戒若飲酒缺戒應更與戒若比丘
尼年十八童女與二歲學戒不與六法滿二
十便與授具足戒唱三羯磨竟尼和上波逸
提白二羯磨竟三突吉羅白一羯磨三突吉羅
白已一突吉羅白未竟一突吉羅未白前集
衆及衆滿一切突吉羅比丘突吉羅是謂為
犯不犯者年十八童女二歲學戒與六法已
授具足戒不犯不犯者最初未制戒癡狂心

亂痛惱所纏

一百二十三

尔時婆伽婆在舍衛國祇樹給孤獨園諸比
丘尼聞世尊制戒年滿十八童女二歲學戒

與六法滿二十與授具足戒時諸比丘尼便
度盲瞎癡躄跛聾瘖瘂及餘種種病者毀辱
衆僧時諸比丘尼聞其中有少欲知足行頭
陀樂學戒知慙愧者嫌責諸比丘尼言世尊
制戒年十八童女與二歲學戒與六法滿二
十與授具足戒汝云何乃度盲瞎及諸病者
毀辱衆僧時諸比丘尼往白諸比丘諸比丘
往白世尊世尊以此因緣集比丘僧呵責諸
比丘尼言汝所爲非非威儀非沙門法非淨
行非隨順行所不應爲比丘尼應十八童女
與二歲學戒滿二十學授具足戒汝云何乃
度盲瞎及諸病人耶以無數方便呵責已告諸

比丘自今已去當與比丘尼堅立具足戒白四羯磨當作如是與安受戒人離聞處著見處已是中戒師應作白差教授師當作如是白大姉僧聽彼某甲從和上尼某甲求授具足戒若僧時到僧忍聽某甲為教授師白如是彼人當往受戒人所語言妹此是安陀會此是鬱多羅僧此是僧伽梨此是僧祇支此是覆肩衣此是鉢此衣鉢是汝有不妹聽今是具誠時實語時我今問汝實當言實不實當言不實汝字何等和尚字誰年滿二十未衣鉢具足不父母聽汝不夫主聽汝不汝不負債不汝非婢不汝是女人不女人有如是諸病

癩癰疽白癩乾消顛狂二形二道合道小便
常漏大小便涕唾常流出汝有如此病不若
言無當復語言如我向問汝事在衆中亦當
如是問如汝向者答我衆僧中亦當如是答
時教授師問已如常威儀還來入衆中舒手
相及處立作如是白大姉僧聽彼某甲從某
甲求授具足戒若僧時到僧忍聽我已教授
竟聽使來白如是彼即應語言汝來來已教
授師應為捉衣鉢教禮尼僧足已在戒師前
右膝著地合掌教授師教作如是白大姉僧
聽我某甲從和尚尼某甲求受具足戒我某
甲今從僧乞授具足戒某甲尼為和尚衆僧

慈愍故拔濟我如是第二第三說戒師應作
白大姊僧聽此某甲從和上尼某甲求授具
足戒此某甲今從衆僧乞授具足戒某甲尼
為和尚若僧時到僧忍聽我問諸難事白如
是彼當語言妹諦聽今是真誠時我今問汝
實當言實不實當言不實汝字何等和尚尼
字誰年滿二十不衣鉢具足不父母聽汝不
夫主聽汝不汝不負債耶汝非婢耶汝是女
人不女人有如是諸病癩癰疽白癩乾消顛
狂二形二道合道小便常漏大小便涕唾常
流出汝有如是病不荅言無當作白大姊僧
聽此某甲從和尚尼某甲求授具足戒此某

甲今從衆僧乞授具足戒某甲尼爲和尚某甲
甲自說清淨無諸難事年滿二十衣鉢具足
若僧時到僧忍聽授某甲具足戒某甲尼爲
和尚白如是大姊僧聽此某甲從和上尼某
甲求授具足戒此某甲今從衆僧乞授具足
戒某甲尼爲和尚某甲自說清淨無諸難事
年滿二十衣鉢具足今僧授某甲具足戒某
甲尼爲和尚誰諸大姊忍僧授某甲具足戒
某甲尼爲和尚者嘿然若不忍者說此是初
羯磨第二第三亦如是說信已忍授某甲具
足戒某甲尼爲和尚竟僧忍嘿然故是事如
是持

四分律藏卷第二十七 第二分卷第六

夫

期要

邀下音

春磨

下上許容反

炊

吹音

啗笑

反上尺

之

紡績

下上方同反

縲線

反上正作索思作

捫摸

音上

門

下莫

秃

反土谷

妊身

反如

乳哺

下音

瘞

反六中

躡跛

上必

脚

屈不能行

癩

音

癰疽

徐反

乾

痲

下音

消

亦反

脚

屈不能行

癩

音

癰疽

徐反

乾

Handwritten characters, possibly a signature or date, located at the top center of the page.



